

ODLUKA

**O PRIHVATANJU ZADUŽENJA PO UGOVORU BROJ 1 O AMANDMANU NA UGOVOR O
ZAJMU OD 28. OKTOBRA 2008. GODINE IZMEĐU BOSNE I HERCEGOVINE I
EVROPSKE BANKE ZA OBNOVU I RAZVOJ ZA PROJEKAT KORIDOR Vc**

Na osnovu člana 40. stav 5. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09 i 44/10) Parlament Federacije Bosne i Hercegovine je na sjednici Predstavničkog doma održanoj 3.6.2014. godine i na sjednici Doma naroda održanoj 16.6.2014. godine d o n i o

ODLUKU

O PRIHVATANJU ZADUŽENJA PO UGOVORU BROJ 1 O AMANDMANU NA UGOVOR O ZAJMU OD 28. OKTOBRA 2008. GODINE IZMEĐU BOSNE I HERCEGOVINE I EVROPSKE BANKE ZA OBNOVU I RAZVOJ ZA PROJEKAT KORIDOR Vc

I

Prihvata se zaduženje Federacije Bosne i Hercegovine (u daljnjem tekstu: Federacija), za dodatni iznos zajma kod Evropske banke za obnovu i razvoj (u daljnjem tekstu: EBRD), po Ugovoru broj 1 o Amandmanu na ugovor o zajmu od 28. oktobra 2008. godine između Bosne i Hercegovine (u daljnjem tekstu: BiH) i EBRD-a, u iznosu 25.000.000,00 eura, za Projekat Koridor Vc, prema uvjetima utvrđenim u osnovnom Ugovoru o zajmu.

II

Sredstva zajma iz tačke I ove odluke koristit će se za finansiranje izgradnje dionica Vlakovo-Tarčin (poddionica Suhodol-Tarčin) i graničnog prijelaza Bijača na dionici Počitelj-Bijača (poddionica Bijača-Kravice) na Koridoru Vc.

III

Sredstva zajma iz tačke I ove odluke odobravaju se Federaciji pod sljedećim uvjetima:

- rok otplate:15,5 godina,
- grace period: 4,5 godina,
- kamatna stopa:..... šestomjesečni EURIBOR plus 1% marže,
- dospijeća :.....polugodišnja u jednakim otplatama glavnice,
- ostali uvjeti: provizija na neisplaćena sredstva 0,5% godišnje, jednokratna provizija 1% na iznos kredita.

IV

Potvrđuje se da je razmatrana dokumentacija prihvatljiva za Federaciju, a posebno:

- Ugovor o Amandmanu broj 1 na Ugovor o zajmu od 28. oktobra 2008. godine između BiH i EBRD-a,
- Nacrt ugovora o Amandmanu broj 1 na Supsidijarni ugovor o zajmu od 28. oktobra 2008. godine između BiH i Federacije,
- Nacrt ugovora o Amandmanu broj 1 na Ugovor o podršci zajma od 28. oktobra 2008. godine između EBRD-a i Federacije,
- Nacrt ugovora o Amandmanu broj 1 na Ugovor o podzajmu od 22.12.2011. godine između Federacije i Javnog preduzeća Autoceste Federacije BiH d.o.o. Mostar.

V

Sredstva zajma iz tačke I ove odluke Federacija će na kreditnom osnovu prenijeti na JP Autoceste Federacije BiH d.o.o. Mostar, koje je krajnji korisnik i dužnik po Ugovoru broj 1 o Amandmanu.

U periodu implementacije Projekta u budžetu Federacije nije potrebno osigurati finansijska sredstva za dodatno sufinansiranje Projekta.

VI

Zadužuje se Federalno ministarstvo finansija da sa JP Autoceste Federacije BiH d.o.o. Mostar usaglasi i sklopi odgovarajući Ugovor o Amandmanu broj 1 na Ugovor o podzajmu, kojim će u svrhu redovne otplate definirati uvjete vraćanja sredstava koja se prenose na kreditnom osnovu.

VII

Daje se saglasnost za zaključivanje Ugovora o Amandmanu broj 1 na Supsidijarni ugovor o zajmu između BiH i Federacije i Ugovora o Amandmanu broj 1 na Ugovor o podzajmu između Federacije i JP Autoceste Federacije BiH d.o.o. Mostar za sredstva iz tačke I ove odluke.

Za potpisivanje Ugovora o Amandmanu broj 1 na Supsidijarni ugovor o zajmu i Ugovora o Amandmanu broj 1 na Ugovor o podzajmu ovlašćuje se federalni ministar finansija.

VIII

Za realizaciju ove odluke zadužuje se Federalno ministarstvo finansija, Federalno ministarstvo prometa i komunikacija i JP Autoceste Federacije BiH d.o.o. Mostar, svako u okviru svoje nadležnosti.

IX

Implementacija Ugovora broj 1 o Amandmanu na ugovor o zajmu iz tačke I. ove odluke ne zahtijeva donošenje novih ili izmjenu postojećih zakona.

X

Ova odluka stupa na snagu narednog dana od dana objavljivanja u "Službenim novinama Federacije BiH".

PF broj: 01,02-14-251/14

16. juna 2014. godine

S a r a j e v o

PREDSJEDAVALA
DOMA NARODA
PARLAMENTA FEDERACIJE BiH

Tomislav Martinović

PREDSJEDAVALA
PREDSTAVNIČKOG DOMA
PARLAMENTA FEDERACIJE BiH

Safet Softić